

SCRIPTA

Numéro Scripta : 766

Auteur(s) : Richard Waimel, du Tréport [particulier]

Bénéficiaire(s) : Le Tréport, Saint-Michel (abbaye)

Genre d'acte : charte

Authenticité : non suspect

Datation : 1261, 9 janvier

Action juridique : vente

Langue du texte : latin

Analyse

Vente à l'abbaye d'une rente de sept sous tournois, par Richard Waimel, du Tréport

Tableau de la tradition

Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CCIX, p. 235-236.

Texte établi d'après a

Notum sit omnibus, presentibus et futuris, quod ego Ricardus Waimel de Ulteriori Portu, assensu et voluntate Johanne, uxoris mee, vendidi et penitus deserui viris religiosis abbati et conventui de Ulteriori Portu septem solidos turonensium annui redditus, quos michi debebat Galterus, dictus Fredinc, burgensis de Ulteriori Portu, ad duos terminos, videlicet ad Nativitatem Domini tres solidos et sex denarios et totidem ad Pentecosten, de uno campo qui adjacet, ex uno sui latere, ad terram dictorum religiosorum et, ex alio, ad terram magistri Willelmi, dicti des Mons, et aboutat, ex uno sui termino, ad terram Bernardi de Abbatisvilla et, ex alio, ad terram dictorum religiosorum, pro sexaginta duobus solidis et sex denariis michi pre manibus solutis ; tenendos et habendos predictos septem solidos annui redditus dictis abbati et conventui, et successoribus eorum, et de dicto Galtero Fredinc et heredibus suis annuatim solvendos dictis abbati et conventui, et successoribus eorum, libere, quiete et pacifice, absque contradictione vel reclamazione de nobis et heredibus nostris de cetero facienda. Hanc autem venditionem ego, predictus Ricardus, et mei heredes dictis abbati et conventui, et successoribus eorum, contra omnes tenemur garantizare, per obligationem omnium bonorum nostrorum mobilium et immobilium, ubicumque fuerint ; et aboutavi dictum Galterum, et heredes suos, dictis abbati et conventui, et successoribus eorum, de predictis septem solidis annui redditus ad terminos prenotatos de se et heredibus suis annuatim reddendis. In cujus rei testimonium, presenti carte sigillum meum apposui ; et ad majorem confirmationem et concessionem omnium rerum predictarum predicta Johanna, uxor mea, sigillum suum apposuit. Actum anno Domini M°. CC°. sexagesimo, die dominica post Epiphaniam Domini. Testibus hiis : Gossonne Triquet, Luca, serviente, Laurentio de Angulo et pluribus aliis.